

诗经采薇（节选） 先秦

昔我往矣，杨柳依依。

今我来思，雨雪霏霏。

从军行 唐 王昌龄

青海长云暗雪山，孤城遥望玉门关。

黄沙百战穿金甲，不破楼兰终不还。

峨眉山月歌 唐 李白

峨眉山月半轮秋，影入平羌江水流。

夜发清溪向三峡，思君不见下渝州。

秋浦歌 唐 李白

炉火照天地，红星乱紫烟。

赧郎明月夜，歌曲动寒川。

春夜洛城闻笛 唐 李白

谁家玉笛暗飞声，散入春风满洛城。

此夜曲中闻折柳，何人不起故园情。

夜宿山寺 唐 李白

危楼高百尺，手可摘星辰。

不敢高声语，恐惊天上人。

闻王昌龄左迁龙标遥有此寄

杨花落尽子规啼，闻道龙标过五溪。

我寄愁心与明月，随风直到夜郎西。

秋浦歌 唐 李白

白发三千丈，缘愁似个长。

不知明镜里，何处得秋霜。

七步诗 三国·魏 曹植

煮豆燃豆其，漉豉以为汁。其在釜下燃

豆在釜中泣，本是同根生，相煎何太急

山中杂诗 南朝 吴均

山际见来烟，竹中窥落日。

鸟向檐上飞，云从窗里出。

望岳 唐 杜甫

岱宗夫如何？齐鲁青未了。

造化钟神秀，阴阳割昏晓。

荡胸生曾云，决眦入归鸟。

会当凌绝顶，一览众山小。

宿建德江 唐 孟浩然

移舟泊烟渚，日暮客愁新。

野旷天低树，江清月近人。

春望 唐 杜甫

国破山河在，城春草木深。

感时花溅泪，恨别鸟惊心。

烽火连三月，家书抵万金。

白头搔更短，浑欲不胜簪。

独坐敬亭山 唐 李白

众鸟高飞尽，孤云独去闲。

相看两不厌，只有敬亭山。

闻官军收河南河北 杜甫

剑外忽传收蓟北，初闻涕泪满衣裳。

却看妻子愁何在，漫卷诗书喜欲狂。

白日放歌须纵酒，青春作伴好还乡。

即从巴峡穿巫峡，便下襄阳向洛阳。

赠花卿 唐 杜甫

锦城丝管日纷纷，半入江风半入云。

此曲只应天上有，人间能得几回闻？

竹里馆 唐 王维

独坐幽篁里，弹琴复长啸。

深林人不知，明月来相照。

江南逢李龟年 唐 杜甫

岐王宅里寻常见，崔九堂前几度闻。

正是江南好风景，落花时节又逢君。

逢雪宿芙蓉山主人 刘长卿

日暮苍山远，天寒白屋贫。

柴门闻犬吠，风雪夜归人。

江畔独步寻花 唐 杜甫

黄四娘家花满蹊，千朵万朵压枝低。

留连戏蝶时时舞，自在娇莺恰恰啼。

送灵澈上人 唐 刘长卿

苍苍竹林寺，杳杳钟声晚。

荷笠带斜阳，青山独归远。



房兵曹胡马 唐 杜甫

胡马大宛名，锋棱瘦骨成。

竹批双耳峻，风入四蹄轻。

所向无空阔，真堪托死生。

骁腾有如此，万里可横行。

鸟鸣涧 唐 王维

人闲桂花落，夜静春山空。

月出惊山鸟，时鸣春涧中。

暮江吟 唐 白居易

一道残阳铺水中，半江瑟瑟半江红。

可怜九月初三夜，露似真珠月似弓。

相思 唐 王维

红豆生南国，春来发几枝。

愿君多采撷，此物最相思。

鸟 唐 白居易

谁道群生性命微？一般骨肉一般皮。

劝君莫打枝头鸟，子在巢中望母归。

塞下曲 唐 卢纶

林暗草惊风，将军夜引弓。

平明寻白羽，没在石棱中。

浪淘沙 唐 白居易

白浪茫茫与海连，平沙浩浩四无边。

暮去朝来淘不住，遂令东海变桑田。

雪 唐 罗隐

尽道丰年瑞，丰年事若何。

长安有贫者，为瑞不宜多。

寒食 唐 韩翃

春城无处不飞花，寒食东风御柳斜。

日暮汉宫传蜡烛，轻烟散入五侯家。

江南曲 唐 储光羲

日暮长江里，相邀归渡头。

落花如有意，来去逐船流。

竹枝词 唐 刘禹锡

杨柳青青江水平，闻郎江上唱歌声，

东边日出西边雨，道是无晴却有晴。

乌衣巷 唐 刘禹锡

朱雀桥边野草花，乌衣巷口夕阳斜。

旧时王谢堂前燕，飞入寻常百姓家。

秋夕 唐 杜牧

银烛秋光冷画屏，轻罗小扇扑流萤。

天阶夜色凉如水，坐看牵牛织女星。

泊秦淮 唐 杜牧

烟笼寒水月笼沙，夜泊秦淮近酒家。

商女不知亡国恨，隔江犹唱后庭花。

过华清宫 唐 杜牧

长安回望绣成堆，山顶千门次第开。

一骑红尘妃子笑，无人知是荔枝来。

寄扬州韩绰判官 唐 杜牧

青山隐隐水迢迢，秋尽江南草木凋。

二十四桥明月夜，玉人何处教吹箫。

夜雨寄北 唐 李商隐

君问归期未有期，巴山夜雨涨秋池。

何当共剪西窗烛，却话巴山夜雨时。

嫦娥 唐 李商隐

云母屏风烛影深，长河渐落晓星沉。

嫦娥应悔偷灵药，碧海青天夜夜心。

小松 唐 杜荀鹤

自小刺头深草里，而今渐觉出蓬蒿。

时人不识凌云木，直待凌云始道高。

乞巧 唐 林杰

七夕今宵看碧霄，牵牛织女渡河桥。

家家乞巧望秋月，穿尽红丝几万条。

牧童 唐 吕岩

草铺横野六七里，笛弄晚风三四声。

归来饱饭黄昏后，不脱蓑衣卧月明。

秋思 唐 张籍

洛阳城里见秋风，欲作家书意万重。

复恐匆匆说不尽，行人临发又开封。

少年行 唐 令狐楚

弓背霞明剑照霜，秋风走马出咸阳。

未收天子河湟地，不拟回头望故乡。



以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/796230030200011001>